

**“ШЕРОБОД ПАХТА ТОЗАЛАШ” АКЦИЯДОРЛИК ЖАМИЯТИ
АКЦИЯДОРЛАРИНИНГ НАВБАТДАН ТАШҚАРИ УМУМИЙ ЙИҒИЛИШИ
1-СОН БАЁННОМАСИ**

Сурхондарё вилояти,
Шеробод тумани, Мустақиллик кўчаси 1-уй

2026 йил 09-февраль

Умумий йиғилишнинг ўтиш жойи: Сурхондарё вилояти, Шеробод тумани, Мустақиллик кўчаси 1-уй, “Шеробод пахта тозалаш” АЖ маъмурий биносининг мажлислар зали.

Акциядорларни рўйхатдан ўтказиш бошланган вақт: **10:00**

Акциядорларни рўйхатдан ўтказиш тугаган вақт: **10:55**

Акциядорлар умумий йиғилиш бошланган вақт: **11:00**

Жамиятнинг овоз берувчи акцияларига эгалик қилувчи акциядорлар эга бўлган овозларнинг умумий сони—2 464 188 дона

“Шеробод пахта тозалаш” АЖ акциядорларининг навбатдан ташқари умумий йиғилиши (келгусида матн давомида-Йиғилиш) жамият Бош директорининг 2026 йил 15-январдаги 01-12/11-сонли хати инобатга олиниб, Кузатув кенгаши томонидан 2026 йил 15-январдаги қабул қилинган қарорга мувофиқ 2026 йил 09-февралда ўтказилиши белгиланган.

Йиғилишда иштирок этиш ҳуқуқига эга акциядорлар реестри тузилган сана — 2026 йил 03-февраль.

“Шеробод пахта тозалаш” АЖ акциядори 1 256 736 дона оддий, яъни 51,0 фоиз акция эгаси “Сурхондарёпахтасаноат” ХАБ АЖ номидан тугатиш комиссияси раиси Исломов Акмал Ҳакимович иштирок этмоқда.

А.Исломов йиғилиш раёсатини ва котибини сайлаш бўйича таклиф берди.

Акциядорлар томонидан очиқ овоз бериш йўли билан бир овоздан йиғилиш раёсатига қуйидагилар сайланди:

1.М.Қаюмов-жамиятнинг Кузатув кенгаши аъзоси, йиғилиш раиси;

2.А.Исломов—“Сурхондарёпахтасаноат” ХАБ АЖ тугатиш комиссияси раиси;

3.Н.Гулямов—“Сурхондарёпахтасаноат” ХАБ АЖ тугатиш комиссияси аъзоси;

Йиғилиш котиби этиб У.Зубаев—жамиятнинг акциядорлар билан корпоратив муносабатлар бўйича мутахассиси сайланди.

Йиғилишни, йиғилишда раислик қилувчи М.Қаюмов очди ва акциядорлар ҳамда йиғилиш катнашчиларини қутлаб, йиғилиш кворуми бўйича ахборот бериш учун сўзни санок комиссияси раиси У.Зубаевга берди.

Санок комиссияси ахбороти:

“Қимматли қоғозлар Марказий Депозитарийси” УК томонидан 2026 йил 03-февраль ҳолатига шакллантирилган “Шеробод пахта тозалаш” акциядорлик жамияти акциядорлар реестрига мувофиқ, йиғилишда овоз бериш учун **886** та акциядорга тегишли **2 464 188** дона акциялар катнашиши мумкин. Акциядорларни рўйхатдан ўтказиш вақти тугаганда, умумий миқдорда **2 013 432** дона овоз берувчи акцияларга эга бўлган 19 та акциядор (унинг вакили) рўйхатдан ўтди. Бу эса умумий овоз берувчи акцияларнинг **81,71%**ни ташкил этади ва йиғилиш ваколатли (кворумга эга) ҳисобланади.

Йиғилишга таклиф этилганлар:

Ў.Қиличов-жамият Бош директори.

Йиғилишда раислик қилувчи М.Қаюмов йиғилиш кун тартибини эълон қилди.

КУН ТАРТИБИ:

1. Умумий йиғилиш регламентни ва Санок комиссияси таркибини тасдиқлаш.

2. “Шеробод пахта тозалаш” АЖ ва “Сурхондарё Агрохизмат” МЧЖ кластер ўртасида мулкӣ мажмуани сотиш бўйича тузилган шартноманинг тўлов график муддатларини узайтириш тўғрисида.

Кун тартиби эълон қилинганидан сўнг, муҳокамага ўтилди.

Кун тартибидаги биринчи масала бўйича йиғилишда раислик қилувчи М.Қаюмов сўзга чиқиб, йиғилиш регламентини йиғилиш қатнашчиларига ўқиб эшиттирди. Мазкур йиғилиш кун тартибида 2 та масала кўрсатилганлигини маъруза учун 10 (ўн) дақиқа, муҳокама ва мунозаралар учун 10 (ўн) дақиқа вақт ажратилиши мақсадга мувофиқ эканлигини айтиб, жамият акциядорларидан акциядорларнинг навбатдан ташқари умумий йиғилиши регламентини ушбу таклиф бўйича тасдиқлаш масаласига ўз муносабатларини бюллетенда овоз бериш орқали билдиришларини сўради.

Йиғилишда раиси М.Қаюмов Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуни 66-моддасига асосан овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши томонидан санок комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланишини айтди.

Шунга асосан, жамият Кузатув кенгашинининг 2026 йил 15-январдаги мажлис қарорига кўра санок комиссияси таркибига жамиятнинг акциядорлар билан корпоратив муносабатлар бўйича мутахассиси Зубаев Улуғбек, жамият бош бухгалтери Маматалиев Умар Нуриддинович ҳамда “Сурхондарёпахтасаноат” ХАБ тугатиш комиссияси аъзоси Гулямов Нигматулло Кадинович лар номзодларини киритиш таклифи берилган бўлиб, жамият акциядорларидан санок комиссияси сони ҳамда таркибини тасдиқлаш масаласи бўйича ўз муносабатларини бюллетень орқали овоз беришларини сўради.

Ушбу масала юзасидан овоз бериш натижалари:

“Ўқлаганлар” – 2 013 432 та овоз; “Қаршилар” – йўқ; “Бетарафлар” – йўқ;
“Нотўғри тўлдирилган бюллетенлар” – йўқ.

Кун тартибидаги биринчи масала бўйича акциядорларнинг навбатдан ташқари умумий йиғилиши **қарор** қилади:

1. Жамият акциядорларининг навбатдан ташқари умумий йиғилишининг регламенти тасдиқлансин.

2. Уч кишидан иборат қуйидаги таркибда санок комиссияси тасдиқлансин:

- 1) Зубаев Улуғбек Мухамадиевич;
- 2) Маматалиев Умар Нуриддинович;
- 3) Гулямов Нигматулло Кадинович.

Кун тартибидаги иккинчи масала бўйича йиғилишда раислик қилувчи М.Қаюмов сўзга чиқиб, йиғилиш қатнашчиларига қуйидагиларни маълум қилди.

“Surxondaryo Agroxizmat” МЧЖнинг 29-декабр 2025 йилдаги 125-сонли хат билан “Шеробод пахта тозалаш” АЖга мурожаат қилганлиги хақида маълум қилиб ушбу мурожаатни йиғилиш қатнашчиларига батафсил ўқиб эшиттирди («Surxondaryo Agroxizmat» МЧЖнинг мурожаати илова қилинади).

Мазкур мурожаатда, Ўзбекистон Республикаси Президентининг 2024 йил 22 июлдаги ПФ-103-сон Фармони “Пахтачилик соҳаси корхоналарининг иқтисодий молиявий ҳолатини яхшилашга оид чора-тадбирлари тўғрисида”ги Фармонига асосан

кластер корхонаси тўлов графиги муддатини узайтириш кўзда тутилганлиги маълум қилинган.

Бундан ташқари, Ўзбекистон Республикаси Президентининг **“Пахтачилик соҳаси корхоналарининг иқтисодий-молиявий ҳолатини яхшилашга оид чора-тадбирлари тўғрисида”**ги 2024 йил 22-июлдаги ПФ-103-сон Фармонининг 4-бўлими б)-бандида тугатилаётган **“Ўзпахтасаноат”** АЖнинг мулкӣ мажмуаларини сотиб олиш бўйича кластерлар билан тузилган олди-сотди шартномаларида белгиланган тўлов графиги бўйича қарздорликлар муддатини бир йилга ўзайтириш белгиланганлиги кўрсатилган.

“Surxondaryo Agroxizmat” МЧЖ ва **“Шеробод пахта тозалаш”** АЖ ўртасида 2021-йил 01-апрелда имзоланган 133/01 ва 133/02-сонли ва 2023 йил 25-мартдаги 1 ва 2-сонли олди-сотди шартномаларга Ўзбекистон Республикаси Президентининг ПФ-103-сон Фармони асосида янги келишув битими орқали тўлов графигини қайта тасдиқлаб, қолдиқ суммага далолатнома берилиши ва ушбу шартномалардаги объектни кластер корхонасига топшириш қабул қилиш далолатнома асосида топширилиши сўралган.

Юқоридагиларни инобатга олиниб, **“Surxondaryo Agroxizmat” МЧЖ** келишув битимидаги тўлов графиги муддатини узайтиришни сўраган.

А.Исломов сўзга чиқиб, пахта тозалаш корхонаси 2019 йилда Кластер корхонасига сотилганлиги, орадан 5 йил вақт ўтишига қарамай тўлов графиги бўйича маблағ ўз вақтида ўтказиб берилмаганлиги, бунинг натижасида корхонанинг солиқ ва мажбурий тўловлардан бўлган қарздорликлари ошиб бораётганлигини, жамият томонидан акцияларни қайтариб сотиб олиш бўйича акциядорларга тегишли маблағлар ҳам тўлаб берилмаганлиги акциядорларнинг шу жумладан давлат манфаатларига зарар келтирганлигини эътиборга олиб, тўлов графиги муддатини узайтириш мақсадга мувофиқ эмаслигини маълум қилди.

Ушбу масала бўйича жамият Бош директори Ў.Қиличов **“Surxondaryo Agroxizmat” МЧЖ**га имконият берилганлигини, 21.07.2025 йилда қўшимча келишув битими тузилган бўлсада, тўлов графиги бўйича кластер корхонаси томонидан жамиятга бугунги кунга қадар жами: 12 482 682,6 минг сўм маблағ тўлаб берилмаганлиги сабабли тўлов муддатини яна узайтириш мақсадга мувофиқ эмаслигини айтиб ўтди.

Қўшимча сўзга чиққан акциядорлар тузилган шартномаларнинг муддатига оз фурсат қолганлигини, **“Surxondaryo Agroxizmat” МЧЖ** томонидан тўлов графиги бажарилмаса шартномани бекор қилиш зарурлигини таъкидлаб ўтдилар.

Йиғилиш раиси акциядорлардан мазкур таклиф юзасидан муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – йўқ; **“Қаршилар”** – 2 013 432 та овоз; **“Бетарафлар”** – йўқ; **“Нотўғри тўлдирилган бюллетенлар”** - йўқ.

Кун тартибидаги иккинчи масала бўйича акциядорларнинг навбатдан ташқари умумий йиғилиши **қарор қилади:**

1. **“Surxondaryo Agroxizmat” МЧЖ**нинг 29-декабр 2025 йилдаги 125-сонли хати маълумот учун қабул қилинсин.

2. **“Шеробод пахта тозалаш” АЖ** ва **“Сурхондарё Агрохизмат” МЧЖ** ўртасида 2021 йил 01-апрелда имзоланган 133/01 ва 133/02-сонли, 2023 йил 25-мартдаги 1 ва 2-сонли шартномаларга асосан сотиб олиш тўловларини амалга ошириш графигининг муддатини 1 йилга узайтириш рад этилсин.

3. **“Шеробод пахта тозалаш” АЖ** Бош директори Ў.Қиличовга:

“Шеробод пахта тозалаш” АЖ ва “Сурхондарё Агрохизмат” МЧЖ ўртасида тузилган олди-сотди шартномалари бўйича амалдаги қонунчиликда белгиланган тартибда чоралар кўриш вазифаси юклатилсин.

Акциядорларнинг навбатдан ташқари умумий йиғилиши томонидан қабул қилинган қарорлар эълон қилинганидан сўнг, йиғилишда раислик қилувчи М.Қаюмов акциядорларга уларнинг иштироки учун миннатдорчилик билдириб, йиғилишни ёпик деб эълон қилди.

Йиғилиш раиси:

М.Қаюмов

Йиғилиш котиби:

У.Зубаев

Йиғилиш баённомаси 2026 йил _____ куни икки нусхада тузилди.